

---

## Бағдод туманида “Кексалар ҳафталиги” доирасида нурунийлар учун байрам тадбири ўтказилди

“Кексаларни эъзозлаш, уларга ҳурмат-эҳтиром кўрсатиш – халқимизга хос эзгу фазилат” ғояси остида мамлакатимизнинг барча ҳудудларида ўтказилаётган “Кексалар ҳафталиги” Бағдод туманида ҳам юқори савияда ташкил этилди.

Бугун ҳафталик доирасида туманнинг “Конизар” маҳалла фуқаролар йиғини ҳудудида жойлашган Нурунийлар дам олиш масканида юздан зиёд отахонлар-онахонлар, меҳнат фахрийлари иштирокида байрам тадбири бўлиб ўтди. Маънавият ва маърифат бўлими билан ҳамкорликда ташкилланган тадбирда туман ҳокими Юсуфжон Хусаинов қатнашиб, иштирокчиларга эзгу тилакларини изҳор қилди.

Бир пиёла чой устида кечган учрашувда кекса авлод вакиллари бугунги кунга шукроналар айтиб, юртимизда амалга оширилаётган ислохотлар натижасида иқтисодийтимиз янада ривож топиб, турмуш даражамиз тобора юксалиб бораётганини алоҳида эътироф этишди.

Тадбирда сўз олган туман ҳокими Юсуфжон Хусаинов, кексаларни эъзозлаш, катталарга ҳурмат каби фазилатлар, оилада ёши улуғларнинг бош бўлиб бир кичик жамият сифатида ҳаёт кечириши ўзбек халқи гагина хос бўлган энг улуғ қадриятлардан бири эканини таъкидлаб, бу қадриятни келажак авлодга етказиш, болалиқдан ёшларнинг онгига сингдириш миллий ўзлигимизни юксалтириш йўлидаги энг катта тарғибот бўлиши, бунда нуруний отахон ва онахонларнинг ўрни ва роли катта эканини қайд этди.

Дарҳақиқат, ҳаётий тажрибага эга, турмуш синовларида тобланган, кўпни кўрган ёши улуғ инсонлар, кекса ва нурунийларнинг маслаҳатлари, панд-насиҳатлари жамият ривожига катта аҳамият касб этади.

Тўкин дастурхон атрофидаги суҳбатлар хушовоз санъаткорлар ижросидаги куй-қўшиқлар, гўзал тароналар билан янада файзли-тароватли кўриниш олди.

Тадбир якунида нурунийларга эсдалик совғалари топширилди.

Бағдод тумани ҳокимлиги Ахборот хизмати.

2022-10-08 17:03:19